

Newspaper	BERITA HARIAN
Date	21 JUNE 2016

Bukti jelas Najib berwibawa terajui BN hadapi PRU-14

BH-21/6/2016

➔ Kemenangan di-Sungai Besar, Kuala Kangsar perjelas rakyat tolak dakwaan Dr Mahathir

Oleh Irwan Shafrizan Ismail
irwansha@bh.com.my

Putrajaya

Kejaayaan besar Barisan Nasional (BN) dalam dua Pilihan Raya Kecil (PRK) Sabtu lalu membuktikan Perdana Menteri, Datuk Seri Najib Razak amat berwibawa untuk menerajui Barisan Nasional (BN) pada pilihan raya umum akan datang.

Pengarah Komunikasi Strategik BN, Datuk Abdul Rahman Dahlan, dalam satu kenyataan semalam, berkata kemenangan itu turut membuktikan dakwaan bekas Perdana Menteri, Tun Dr Mahathir Mohamad kononnya BN akan kalah di bawah Najib, tidak lebih daripada satu lagi penipuan semata-mata.

“Penolakan terhadap Dr Mahathir dapat dilihat dengan ketara, bukan saja oleh rakyat tetapi juga penyokong pembangkang yang secara terbuka didekati bekas Perdana Menteri itu untuk menggulingkan kerajaan yang dipilih secara demokrasi.

“Beliau mengkhianati semua pihak dalam BN yang pernah meletak kesetiaan dan kepercayaan terhadapnya suatu ketika dulu. Melihat beliau memusnahkan legasi sendiri adalah sesuatu yang



Beliau mengkhianati semua pihak dalam BN yang pernah meletak kesetiaan dan kepercayaan terhadapnya suatu ketika dulu. Melihat beliau memusnahkan legasi sendiri adalah sesuatu yang menyedihkan”

Abdul Rahman Dahlan,
Pengarah Komunikasi
Strategik BN

menyedihkan,” katanya.

Abdul Rahman berkata, Dr Mahathir yang masih membisu sejak kemenangan BN menunjukkan rakyat secara jelas menolaknya.

Pakar manipulasi

“Beliau adalah pakar manipulasi dan kerap memutar-belit logik, namun sukar melihat bagaimana beliau dapat menyangkal keputusan ini. Ini adalah kekalahan mutlak baginya.

“Dr Mahathir perlu menerima kehendak demokrasi rakyat, walaupun ia tidak selari dengan kehormatan peribadinya. Adalah lebih

baik jika beliau bersara sekarang daripada menanggung malu yang lebih besar,” katanya.

Abdul Rahman berkata, kempen Anti-Najib yang diketuai Dr Mahathir gagal, manakala parti pembangkang kini berpecah, tidak tentuan dan ternyata tidak layak menjadi kerajaan.

“Rakyat meyakini BN di bawah kepemimpinan Perdana Menteri untuk membawa pembangunan ekonomi dan keselamatan,” katanya.

